

Transliteration:

jan sona pi tenpo mute li lon li jo o soweli tawa. tenpo suno wan la soweli ona li tawa ma tomo pi jan ike. tenpo pi kute ni la jan mute pi ma tomo pi jan sona li toki e ni tawa ona: "soweli sina li tawa a! ni li ike wawa a!" jan sona li kute li toki sona e ni: "ken la"

tenpo pi suno sin la soweli tawa li kama sin tawa jan sona taso soweli mute ante pi ma tomo pi jan ike li lon poka ona. jan mute pi ma tomo pi jan sona li toki e ni tawa ona: "soweli sina li kama sin tawa sina kepeken soweli ante mute a. ni li pona wawa a!" jan sona li kute li toki sona e ni: "ken-la"

jan lili pi jan sona li alasa tawa lon sewi pi soweli sin wan la ona li tawa anpa tan sewi soweli li pakala e noka ona. jan mute pi ma tomo pi jan sona li toki e ni tawa ona: "jan lili sina li pakala a e noka ona! ni li ike wawa a!" jan sona li kute li toki sona e ni: "ken la"

lon ma pi jan sona la utala wawa li kama. jan ale pi tenpo lili li wile utala e jan ike mute mute. jan lili pi jan sona li pakala e noka ona la ona li wile ala utala. ona li moli ala.

ken la ijo ike li lon taso ona li ike lon anu pona lon? ike li ike tawa mi ale taso mi ken ala sona e lon. tenpo taso li sona e lon li pana e sona lon tawa mi ale.